

مجموعۃ ابوالخیر

ماسوا شائبہ سندن دلی تطہیرہ چالش
بر تو حکمت و عرفان الہ شویہ آتش

ہر ماہ عربی ابتدا سیلہ اون بشتہ نشر اول نور فنون مجوعدہ سیدر .

جزو ۳۵ [فی غرہ جمادی الآخرہ سنہ ۱۳۰۰] نسخہ سی ۳۳ فروش

وحکمتی بیلارچه چالشه کزینه کشف و ایضاح ایده مرز سکر. مساعده
ایدرسه کز حقیقت حالی بن سزه افاده ایدیم. یمکدن قالدیغم صروده
باغچه یه ایتش ایدم. کره نک یاندن کچر کن الیمی سور دیکمه کونشه
ناظر اولان طرفنی فوق الغایه کسب حرارت ایتش بولدیمدن اوستنی
آلتنه چوره رک کلوب سزه خبر و بر دم.

فونته نلک شو دسیسه سنی استماع ایدن حضار بر ساعتدن بری
سبق ایدن مجادله بهده کارانه دن طولای فوق الغایه محبوب اوله رق
ضحک و حدتدن هانکیسی لازم کلدیکی بیله مرز.

فونته نلک هیچ برشیدن متأثر اولدیغی حقنه ده کی روایاتی مؤید
حالاتندر که مشار الیه قوش قونغزی خصوصیه زیتون یاغلی اولورسه
پک سور ایش. برکون راهب طراسون طعام وقتندن براز اول
فونته نلک خانه سنه کلیر؛ و قوش قونغز بولندیغی خبر آلدقه یاری سنک
ساده یاغ ایله یا بلسنی فونته نلدن رجا ایدر. فونته نل بوتکیلفدن ممنون
اولمزه ده مسافرک خاطرینی قیرماق ایچون اووجهله یا بلسنی امر ایلر.
آره دن برچاریک مرورنده طراسونه بر دنبه بر فسالق عارض اوله رق
نزول اصابت ایتدیکنی و بناء علیه پاپاسک او طور دیغی محلدن یره دوشدیکنی
کور دیکنده مسافرینی قالدیر مرز دن اول مطبخه شتاب ایله آشجیسنه
«هپسنی زیتون یاغلی یاب هپسنی!» دیشدر.

مسالك و مشاغلک عمر بشره صورت تأثیری

هر مولود منسوب اولدیغی صنفک احوال خصوصیه سیله متأثر
اوله رق ظهور ایتکده در.

دقت و تجربه اولنمشدر که فقرا صنفندن اولان مولودانک ۱۲۰
سنده بری بیروح اوله رق دنیا به کلمکده در. حال بوکه معیشجه متوسط

اولان صنفك ۴۰۰ دن ۶۰۰ زه قدر اولان مولودآنده بر، و صنف
اعالينك ۲۷۰۰ مولودنده برچو جوق ميت ظهور ايدر .
كافه صنوف ايچون سن وسطى ۳۵ ايله ۴۰ آره سي در دنيله .
پيلرسه ده بعض صنوفده وجه آتى اوزره تخلف ايلر :

عمر سنه

عمله واصناف عاديّه . ۳۰

خواجه، آووقات، طيب ايله صنايع نفيسه اربابي ۵۵ : ۵۸
مأمورين عاليه، ضابطان عسكرى و اورمان
مأمورلى و اشتغالات ذهنيّه دن آزاده اولان

قرا اهلالي . ۶۰ : ۶۴

ذره قدر مشغوليت و قسوتلر اولميان قاتوليك

و پروتستان پاپاسلرى . ۷۰ : ۸۰

بو پاپاسلردن يوزده اونی ۹۰ ياشنه واصل اولمقده در .

فقرات تاریخی

فرس مشنوم

روما امپراطورلردن تيبهرك مجيلرندن اولان سيلبوس سيانوس
بر آنه مالك ايدى كه نوع فرسده بونك قدر مشنوم برحيوان
كورولماشدر .

سيانوس بوحيوانى آلدقندن صكره مارق - آنطو آنك امريله
يونانستانده اعدام ايدلمشدر . سيانوسك اعدامندن صكره آتى دولابلا
نامنده بر رومالى آلمش واوده سوريه ده ظهور ايدن براختلال داخلى
انساننده قتل ايدلمشدر .